



REPUBLIKA E SHQIPËRISË

UNIVERSITETI I ELBASANIT “ALEKSANDËR XHUVANI”
FAKULTETI I SHKENCAVE MJEKËSORE TEKNIKE
KOLEGJI DOKTORAL

**MODALITETET PËR PRANIMIN E STUDENTËVE NË PROGRAMIN E
STUDIMIT DOKTORATË NË “SHKENCAT MJEKËSORE TEKNIKE”
VITI AKADEMIK 2025-2026**

Program i studimit të doktoratës në “Shkenca Mjekësore Teknike” përfshihet në ciklin e tretë të studimeve universitare, në përfundim të të cilit lëshohet diploma për gradën shkencore Doktor në “Shkenca Mjekësore Teknike”. Studimet në programin e studimit të ciklit të tretë Doktoratë në “Shkencat Mjekësore Teknike” bazohen në programe individuale të kërkimit, që synojnë aftësimin e pavarur të kandidatëve, që kanë në themel kërkimin shkencor dhe veprimtarinë krijuese në fushën “Shëndet dhe Mirëqenie”, në përputhje me VKM Nr. 310, datë 11.5.2022 “Për specifikimet dhe përmbajtjen e kodifikimit të programeve të studimit të ofruara nga institucionet e arsimit të lartë në Republikën e Shqipërisë”. Për të kryer regjistrimin në programin e studimit të doktoratës, aplikanti duhet të plotësojë këto kritere:

- te ketë përfunduar studimet e larta në Shkencat Mjekësore dhe të zotërojë një diplomë të ciklit të dytë “Master i shkencave”/“Master i arteve”; një diplomë të integruar të nivelit të dytë, ose një diplomë sipas sistemit të vjetër apo titull akademik të barasvlershëm, të fituar jashtë vendit dhe të njohur nga organet kompetente”;
- të ketë notë mesatare, mbi 8 (tetë) në studimet e ciklit të parë dhe të dytë.
Përfshihen nga plotësimi i kriterit të notës mesatare, kandidatët që plotësojnë kriteret sipas pikës 6.1, nenit 6 të rregullores: Rregullore ‘Për organizimin dhe funksionimin e programit të studimit të ciklit të tretë Doktoratë në ‘Shkencat Mjekësore Teknike’ (ndryshuar me Vendim senati Akademik Nr. 71 datë 17.11.2025).
- të ketë mbrojtur një nga gjuhët e huaja: *anglisht, frëngjisht, italisht, gjermanisht ose spanjisht*, në përputhje me nivelet e parashikuara në udhëzimin nr. 52, datë 03.12.2015, “Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë”, të ndryshuar. **Nëse aplikanti ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri**
- të ketë dy rekomandime nga persona, që kanë titullin “Profesor” ose “Profesor i asociuar”, të cilët njohin aftësitë kërkimore shkencore dhe profesionale të kandidatit;



REPUBLIKA E SHQIPËRISË

UNIVERSITETI I ELBASANIT "ALEKSANDËR XHUVANI"
FAKULTETI I SHKENCAVE MJEKËSORE TEKNIKE
KOLEGJI DOKTORAL

- të ketë paraqitur projektin kërkimor, në përputhje me projektin "Rritja e kapaciteteve kërkimore shkencore të profesioneve mjekësore, në momentin e aplikimit;
- të paraqesë një përmbledhje të temës së masterit (4 faqe), për studentët që zotërojnë një diplomë të ciklit të dytë "Master i shkencave"/"Master i arteve";
- të ketë publikime të mëparshme kërkimore shkencore;
- të mos jenë marrë masa disiplinore ndaj tij apo të mos jenë gjetur shkelje të rregullave të etikës së kërkimit shkencor, të të drejtave që burojnë nga pronësia

intelektuale apo shkelje të rregullave kundër plagjaturës, si edhe të vetëdeklarojë se është në gjendje të zbatojë standardet shkencore dhe etike.

Aplikanti për të ndjekur programin e studimit të doktoratës bën një kërkesë, ku paraqet edhe propozimin për temën dhe objektivat e kërkimit shkencor. Kërkesa me propozimin e kandidatit përfshihet në dosjen personale, e cila përmban edhe dokumentet e mëposhtme:

- curriculum vitae;
- kopje të noterizuar të diplomave, të shoqëruara me suplementet e diplomës ose listën e notave me kreditet përkatëse. Diplomat e fituara jashtë vendit duhet të shoqërohen me vërtetimin e njohjes/ekuivalentimit nga ministria përgjegjëse për arsimin;
- çertifikatë lindjeje, si edhe fotokopje të kartës së identitetit/ pasaportës;
- dy rekomandime nga persona me titullin "Profesor" ose "Profesor i Asociuar";
- dëshmi të gjuhës së huaj, përputhje me nivelet e parashikuara në Udhëzimin Nr. 52, datë 03.12.2015 "Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë", të ndryshuar pika 3 sipas Udhëzimit Nr.10 datë 16.06.2023 të MAS;
- dëshmi dhe vërtetime në lidhje me kualifikime, trajnime, provime pasuniversitare ose artikuj shkencorë që mund të ketë kryer, apo pjesëmarrje në konferenca shkencore, eksperiencia akademike;
- deklaratë vetjake e studentit për përballimin e shpenzimeve të programit të studimeve të doktoratës, nëse do të vetëfinancohet;



REPUBLIKA E SHQIPËRISË

**UNIVERSITETI I ELBASANIT “ALEKSANDËR XHUVANI”
FAKULTETI I SHKENCAVE MJEKËSORE TEKNIKE
KOLEGJI DOKTORAL**

- projekt propozimin e kërkimit shkencor, ku të evidentohen qëllimi dhe objektivat, metodologjia që do të ndiqet, nevoja për studim të thelluar në fushën e propozuar dhe risitë që pritet të sjellë punimi. Projekt propozimi duhet të jetë në përputhje me projektin kërkimor zhvillimor “Rritja e kapaciteteve kërkimore shkencore të profesioneve mjekësore teknike në Qarkun e Elbasanit”, të aksesueshëm në:

https://uniel.edu.al/images/studio_ne_ue/Fakulteti_i_Shkencave_mjekesore_teknike/njoftime/RREGULLORE_PR_ORGANIZIMIN_DHE_FUNKSIONIMIN_E_PROGRAMIT_T_STUDIMIT_T_DOKTORATS_N_SHKENCAT_MJEKESORE_TEKNIKE_2026.

- vërtetim nga qendra e punës, nëse kandidati është i punësuar;
- mandat pagese për tarifën e aplikimit, mund të gjendet në: <https://uniel.edu.al/zona-e-sherbimeve>
- vetëdeklarim të aplikantit se do të zbatojë standardet shkencore dhe etike;
- vetëdeklarimi që nuk është subjekt i asnjë mase disiplinore të marrë ndaj tij.

Aplikanti, duhet të dorëzojë dokumentacionin e sipërkërkuar, me rrugë postare, për periudhën 17.04.2026 – 11.05.2026 në adresën:

Universiteti i Elbasanit “Aleksandër Xhuvani”,
Aplikim për doktoraturë:
Fakulteti i Shkencave Mjekësore Teknike
Elbasan